

WIITHELA WA

EKURTIINA YA OKATHI



Kintthuna kihimye va wira mavekelo anyu ahaakhuliwa, mithukumano ntoko saarinaahu okathi opacenryaaka mmutekoni, miyaakha sinci-ene sivinre. Miyo nkinatoko... Hiyo hata khinaawerya waavaha opuro atthu. Ni naanilivaka nipuro na meera ni sothene, yaanikhala oophiyerya iwe ewoora yaneeraru, wira esarye opuro. Saahaana owaliwa mikhora, khiyaahiya ovolowa. Hiyo naaphiya iwe ewoora yaneethanu neili. Munnona? Ikonto sene paahi akhumaka mapuro othene. Paahi...

² Ni kaahilavula ohiyu mithanu sookiserrya vamuthukumanoni wookiserya, nto kaakhalinhe Masu paahi eriyari, khupacerya osuwela owerya Masu yaarinaaya. Munnona? Okhala wira, Masu ti Muluku. Munnona? “Wopaceryani naari Nsu, Nsu naari ni Muluku, nto Nsu naari Muluku. Vano Nsu nihiipaka erutthu khukhala ni hiyo.”

³ Vano, aHeperi 4 ahimmye wira, wira, “Masu a Muluku t’otepaxa wiitha onvikana xoowa oniitha ninno-ninno.” Munnona? “Masu a Muluku t’owiithaxa ovikana, annikela vanlupanyiwa makhuva, ni annithikila, ni annilamula miyuupuwelo sa mmuruni, murima.” Munnona? Ti yeeyo, Masu a Muluku.

⁴ Vano yakhala yoovaha vakhanlyahu omumulaka-vo; ni Masu, Mmansaya, okhanle Kristu, Yoowo okhanle Masu, onikela mwa hiyo, ni olamula miyuupuwelo sa mmuruni, ntoko sinoonakaanyu. Munnona? Moota enreeraaya. Nto, woona etthu Owo iiraly’awe ni enamuna onireerihalyawe! Vano nto e...

⁵ Eyo, kinnoona yeeyo, okhaliha Masu awo eriyari ohiyu mixexe, waahiya atthu okilaathi paahi oomaala, vano nto wiitthyaala paahi, ni Erooho Yoowaarya yaamuwiitthana atthu ni wira ithu vamuthukumanoni.

⁶ Vano nto, ohiyu wookiserya, Ettiminku yookiserya oxekuwa, kaahoona omosa wa othataana wuulupalexa wo ovoniha kitonko aka woona wAmerika. Munnona? Awo yaari... Kimuruma Billy okhuruwa ni ittikitti emiya, ni Gene ni emiya, ni Leo emiya, ni Roy ni emiya, khukawa paahi ittikitti sothene, soophiyaka imiya thanu. Vano nto voonalyaya Masu okuxa mweetiheryo, ni etthu Awo yiiraaya, ni okhalaka mwa Masu yaawo vano, waaruuha vaplataforma. Nto kaahiwoona alopwana n’athiyana waariha attootto aya, ni sikina, n’uvonihiwa ehinatthi hata ophiya vaplataforma, mwaha wo woona paahi. Munnona? Masu

a Muluku yaahikhuma, vaavale, ni wiiponoweliha mmurimani mwaya, mwa Mitthaka iye mithanu, wala Mitthaka mixexe, mpakha awo waamini Yaawo ni murim'aya wothene. Vano, etthu emosa paahi awo yaarinaaya wira, waari okhalana enamuna emosa y'okwannya vakhani, moone, etthu ekina, nto yaakhala ekeekhai. Ni emalakarū ophiya vaplataforma, yaanvonihwa vaavale vaplāt- . . . vakhani ehinatthi ovikana vaplataforma.

⁷ Miyo kinnaamini, axinna va, wira nyuwo othene munnimusuwela Munna Ed, Munna Ed Hooper. Khamummusuwela? Nyuwo a wArkansas, wu? Owo aahikumana. . . Owo aari ni miyo wopaceryani wa muteko woopacerya. Owo khwira, "Yaakhala ntoko wira okathi wa khalayi," owo khwira, "okathi, ntoko yirakaaya, miyaakha sivinre."

⁸ Ni yaahikhala atthu yaarina miyuuwe yaari—yaari *siiso*, yaatthinke, avonihwe. Oohoona, oohiwa, oohilavula, inamuna sothene sa itthu Apwiya'ahu yiraly'aya. Hata nkaaphiyenrye waakwannya atthu. Masu yaarookhuma yiraka yeeyo.

⁹ Vano Apwiya aakivaha Mutthaka mmosa kaatthunaaka olavula mukereja, nihiku nlo, katthikaru, kakhalana okathi. Nkireerane muteko. Vano kihaana okhuma-tho, meelo, kimulipelelaka mwali ola orwa. Ni hata kihinatthi opweha murupa aka owaani, aahikhala mutthu vale. Ni nkikilanthetho, tthiri. Munnona? Hata nkilavunle ni amusi aka koophiyaru. Munnona? Ni ti—vekeekhai wuukhuwa. Ni kihaana oveka mavekelo anyu nyuwo othene, nave, wira Apwiya ekikkhaliherye wira kivilele.

¹⁰ Vano. . . [Nipuro vahiitthu mufiitani—Mol.] Kinnimoona munn'ihu va, ohireere, owereiwa saana, ommaathale vanrepani va. Ni hiyo. . .

¹¹ Ookhala onrwa, vahilekenle, onikuxa, wira nirowe oLouisville. Kintthuna wira muupuwele ovekela, nave, mwali mmosa ooreera murima, wira, owo khorina miyaakha soophiyaka muloko ni mithanu na miraru. Owo maphapo, ni mwali mmosa muKristu muxikola. Nto aximwali akina yaanimulavula yoowo, moosuwela, aximwali aili, ni waaleela moota yaary'aya, epantte xeeni y'ekumi awo yaahaleelaaya, ni wira yaahaana okhala ntoko aximwali akina. Nto mwali mmosa aahiweriya oxintta eyo. Ola mmosa khukhala oovelavela, ni khukhala oohiisoona saana mwaha wa yeeyo, nto khurawa asusaka, ni arowaka ottaiwenexa, ni oxankaka mwaha wa yeeyo. Nto vookiserya khumphwanya wuukhuleya muupuwelo. Ni awo. . . Owo ori nipuro n'anamukhwanepa. Ame awe n'atithi awe animoorwa, vakhani paahi, vakhiviru ni Crandall, Indiana, wira arowe empa ela weiuwo awo anrowaaya wehererya omuroiha, oMadison, meelo.

¹² Vano, mwa—mwali, khiwaavo wuukhuleya wa mw'erutthuni mwa mwali. Owo...Khiyaavo etthu, ya mw'erutthuni. Owo mukumii voolikana. Masi ti yoolipa saana oleeliheriwa. Ni vekeekhai khenweryaneya oleeliheriwa. Etthu ene okhala wira, erooho awe eroosusa. Munnona? Vano, nyuwo—nyuwo muhaana ovara erooho awe ni ohokoloxerya nipuro naya. Munnona? Yookhala...

¹³ Ntoko, simanlyahu olavula va, isumana vakhani sivinre, ya moota esisteema ya mutthu envaraaya muteko. Moota sikhanyaya miyoonelo mithanu sinvolowaniwa mw'erutthuni, vano nto iphiro thanu ntoko naarowaahu wiitthana. Iphiro thanu, ntoko—ntoko akhili, otthokelela, ni sikina, hiyo ninkelanaahu mmunepani. Vano nto mwakela muroohoni, eri ephiro emosa paahi, nto eyo enkhala mwaha wo otthuna mmansinyu, ephitaanne ni moota mutthu opattuxiwaawe.

¹⁴ Munoowerya waakhela Yeeyo, ahiiso munoowerya ohiya. Munoowerya omukupali Kristu ntoko Moopoli, wala omuhiya Owo. Ni nyuwo nlelo muri vakhiviru va Mwiri yoole, ole wa Ekumi ni wa okhwa. Khula mutthu oniheliwa ohoolo wa Mwiri yoowo, ahiiso Muluku aamukhala oohixariya omuhela mmosa vale, ni nto ohinvaha mukina muraarelo wo—wo othanla yooreera ni yoonanara. Ni khula mmosa a hiyo ohaana muraarelo yoowo.

¹⁵ Nave-tho, mwa yeeyo, erooho, ninoowerya ovonihiwa, ahiiso ohiwerya ovonihiwa. Vano, kahi mwaha wo wira eroohikhala... wira khanivonihiwe voolikana ni Muluku. Hiyo noovonihiwa. Okhala wira waataana ti voohitthuneya etthu. Ni Owo oothuma ovonihiwa wahu. Tivo, ovonihiwa wahu ti—ti wawihu. Ti wawihu. Vano, mwaha ene ti ninrowa okuxa ephiro *ela*, wira naamini yeeyo; wala ephiro *ela*, wira nihaamini tu. Vano, eri enamuna emosa paahi nikhanly'ahu orowaka Ohoolo wa Muluku.

¹⁶ Vano, mwaan'ola, ooreera, ame awe yaari mpatthani. Miyo, wulu...Oh, yaari mmosa w'axipatthani aka. Awo yaari mwali ooreera murima, aakhuma etthoko emosa ya eNasareeno saana, mwali oosivela. Ni orina iya oothamaleya. Miyo kinnimusuwela, nave, saana ene, mmiravo omuthenle. Ni owo mwaamukhaani paahi...Awo anaalela aana awo wira yaarumeele Apwiya, ni ahaahela oxikola. Ni yaari oolipiheya saana mwa Kristu, wira ahiireke itthu sikhanye soovonyeya. Masi yoorowa.

¹⁷ Wuukhuleya paahi, voolikana ntoko siryaaka...kooweha naanaano, koomuweha-tho mwammiravo mmosa, aarina etthu yeeyo, voolikana. Ni va...Hiyo naahirowa iwe ohiyu omosa, owannyawe Munna Wright, ni Orville aari paahi—paahi oowuukhuleya voomalela. Nto owo, moosuwela, okathi eerenryawe okikumiha mpaani; apatthani ooreera murima ntoko Orville ni miyo sikhanyahu, eekeekhai ntoko wira ka atithi

awe. Kihaatheliha atithi awe ni ame awe. Nto owo aamutupha paahi n'unyakula, "Mukhume va! Mukhume va! Mukhume va!" Munnona?

¹⁸ Vano, naarinaahu wira iwe waari okela muliinyani mwa erooho ni ovara erooho ya mmirav'owo. Munnona? Oxanka wunci-ene waarimoorwa vamurimani vawe mwaamukhaani. Owo mmiravo, ni aahoona yinci-ene. Nto khimuhokoloxerya nipuro vaatthuneya owo okhala. Munnona? Mahiku vakhani, owo aari—owo aari saana.

¹⁹ Vano, eyo etthu emosaru erina wiiriwaka mwa mwaha ola. Miyo kihooona, ni koosuwela wira ekeekhahi. Masi vano, paahi. . . Miyo—miyo kinoovekelani nyuwo othene wira nvekele vano, wira—wira Muluku akikhaliherye omphwanya mwaaruusi ola. Nipuro nimosa, vaavo owo ohinsuwelaawe vatthu vary'awe, nto omuhokoloxerya nipuro nawe. Ephiro eyo enoorwa mwaha wo waamini. Moone, owo khokhanle okhalanaka waamini wa yoowo mwaneene. Owo khonsuwela otthu ory'awe, wala etthu p'itthu. Munnona? Eyo—onthuneya okuxa waamini wahu va.

²⁰ Nto vano, mwa yeeyo, owerya iwe wa ohihimuwa wa Kristu, Owo onnivaha oreeriwa. Ti vaavo, nyuwo, mwa enamuna emosa, Masu a Muluku ankelaaya mwa natampi. Ni Awo ahaana orowa ovikana olaleya wa Masu alavuliwaka. Mwaha wa yeeyo kaatthunaaka olavula vakhani voosiis'ula kihinatthi waavekelela aretta. [Nipuro vahiitthu mufiitani—Mol.]

²¹ Munnuupuwela yoowoona, woohikhala khalayi, Apwiya yaakivahale aya, moosuwela, yo woona Epantte ekina? Munnuupuwela voosiis'ule okathi waalavulaaka onamoonna mwaha wo woona Epantte ekina? Ahe, eyo yaari ekeekhahi.

²² Ni *Nsu* na Alipa a Nakoso a Ehapari yooreera Yoomalela naahimukumiherya artiiku owo, khuhela elatarato wiithela wa nikukhu va. Ni nookhalana yoolepa ekhaani vathi, epantte ekhaani ya vathi va, enihimya ya muteko. Yeeyo, ela epaphelo ya ihapari ya mulaponi mothene entthittiwa mwa mattaava manci-ene oovirikana. Vano awo yaahivahereriwa nikukhu n'ohoolo, ni yoopacerya, mwa yoowoona yeeyo. Munnona?

²³ Ni kookhalana seiyo vasulu va, nto kaatthuna wira mukuxe emosa, ni nweye osoma. Ni owela. . .Miyo nkaasuwela akavi yaarowa okhala va, axinna, voosiis'ula. Ni nyuwo, nto, nyuwo vairaneya ohiphwanya emosa, ahe, murowe paahi oskritooryu. Awo aakhalana weiwo oskritooryu. Nto awo aanivaha nikuttha na seiyo, sa: "Mutthikele mwiilipihaka." Munnona? Ni ti yeeyo tu eri mmurimani mwaka. Sothene kinweryaaka wiiwa, ti, "Mutthikele mwiilipihaka." Navikanakaru mu—muro wookhala mu—Muttetthe wooreera. Nto nrowe nitthikele niilipihaka mpakha nisuwele Muttetthe yoowo.

24 Vano, kionoona wira awo aakhalana va ovahereriwa wa mwaana a Munna Stricker ni Munna muthiyana Stricker. Tivo eyo . . .

25 Onkhalana miyaakha mikavi vano, Munna Stricker? [Munna Stricker muthiyana oniira, “Mithanu na mosa.”—Mol.] Axinamwane athanu na mosa. Eyo emusi yooreera.

26 Nto siiso awo . . . yaari mamisiyonaariyu ahu wa—wAfrika, naanaano, aroothika. Ni an’aya othene axinamwane ooreerasa. Ni kinniwerya woona wira nave-tho ola, ti, amuruuhaka voosiis’ula wira ovahereriwe.

27 Ori vayi Teddy? Teddy, mwaamutthuna orwa va vapiyaanoni, minuutu mmosa paahi, mwan’aka? Nto—nto nrowe nikhhalane nsipo nahu, nsipo naamukhaani, moosuwela, nsipo nle naamukhaani, kookupali, hiyo niniipakaahu, *Mwaaruuhe*. Eyo ekeekhahi? “Mwaarowele vapuwani va etampi.”

28 Nto mwaha wa yeeyo, ninrumihaahu yeela, okhala wira hiyo, ni sothene sinwery’ahu, axitiithi, waaruuha wira evahereriwe. Hiyo ninaavahererya w’Apwiya ni waaruuha awo aryene nlelo attuutthu, wira ehipuwe erowaka vapuwani vo va etampi. *Mwaaruuhe*. Nrowe paahi . . . Munnisuwela, Teddy? Nrowe niipe eversu emosa ya yeeyo vano.

Mwaaruuhe, mwaaruuhe,
Mwaakumihe vapuwani v’etampi;
Mwaaruuhe . . .

Akhala-tho mukina, vano, mmuruuhe paahi.

Mwaaruuhe axikhaani wa Yesu.

Mwaaruuhe, mwaaruuhe,
Mwaakumihe vapuwani v’etampi;
Mwaaruuhe, mwaaruuhe,
Mwaaruuhe awo oothweelela wa Yesu.

29 Munna Stricker ni Munna Stricker muthiyana, koosuwela wira munnisuwela etthu enihimyaya nsipo nlo, orowa “waaruuha,” etthunelo yooviha eri mmurimani mwanyu, ophavela waaruuha ale oorimeela wa Yesu. Ttuutthu anyu, aakhwiye-ru ohinatthi ovahereriwa, wala etthu ekina, ohoopowa, khula enamuna, okhala wira Ephome ya Yesu Kristu ehiira yeeyo oKalvario. Masi wo otthapela mukwaha Awe muulupale wa elapo ya vathi, okathi Owo owiixaathenryawe matata Awe axikhaani ni khwira, “Mwaahiye ekirweeleke Miyo,” tivo munimuruuhaanyu ttuutthu ola voosiis’ula. Ni ohela nrromelo mwa hiyo, wira niwerye olompa mavekelo o waamini, wa mwaamukhaani, wo ovahererya ekumi awe wa Muluku.

30 Nsina nawe ti pani? [Tiithi awe oniira, “Marilyn Madge Strucker.”—Mol.] Marilyn Madge, Marilyn Madge Stricker. Eyinnuwelo awe t’evi? [Mai awe oniira, “Miyeeri muloko ni miraru.”] Miyeeri muloko ni miraru. Oyariwe wAfrika,

eyo ekeekhahi? [“Ayo.”] Ahe, khino, wakhalaru meelo, mwaamukhaani ola akhale misiyonaariyu mmosa iwe, mmapuwani memmo oyariwaawe-wo. Ni mwa—mwaana ooreera. Mwaamutthuna orwa, Munna Neville?

³¹ Nto, Marilyn. Oh, wulu! Miyo kweekwe okisivela axikhaani ala. Kahi ooreera mwanamwan’ola? Ehaali anyu? Ehaali anyu? Nrowe nuuramihe muru. Kintthuna wira, mumpweherye matata.

³² Tith’ihu a Wirimu, hiyo ninnimuruuha wa Nyuwo Marilyn Madge Stricker, mwanamwan’ola oophenteya oyariwe mmapuwani mwa misawu, okathi ekhotto yaaryaya yoolipa. Miyo kinvekela wira Nyuwo mmureerihe mwaan’ola. mBibiliani, yaahiruuiwa wa Nyuwo axikhaani ene. Nyuwo mwaahiwiixaatherya matata khwaareeriha, khwira, “Mwaahiye anamwane ekirweeleke Miyo, ni muhaakhoottiheryeke; okhala wira Omwene wa Wirimu ti wawaya.”

³³ Ame awe ni atithi awe animuhela mmoononi mwahu, olelo. Hiyo, mwaha wo waamini, ninwela mavalu, iwe, nimmuhela mmoononi Mw’anyu, mwaha wo waamini. Mureerihe ekumi awe. Munvahe ekumi yoolekela, Pwiya. Owo akhale mwaana a Muluku. Wira owo oorumeeleni ni ekumi awe yothene, khula mutika wa ekhalelo awe, akhale murumeyi a Kristu. Munivahe, Tithi. Mwaareerihe atithi awe ni ame awe, axirokor’awe ni axinuunu awe. Awo yinnuwe, nave, ekhale emusi yooreera wa muteko wa Muluku.

³⁴ Tithi, hiyo ninnoovahani Marilyn Madge mwaamukhaani Nyuwo, mwa Nsina na Yesu Kristu, wa ekumi ya muteko. Mmureerihe, n’atithi awe, ni ame awe, n’ale oophentiwa awe. Ni wira awo akhale ekumi yoolekela, oothapa mmutekoni mw’Anyu. Mwa Nsina na Yesu. Amen.

³⁵ Muluku ooreeriheni, Munna Stricker. Muluku ooreeriheni. Iparakha wa mwanamwane ooreera.

Kooxukhuru, mmiravo, Teddy.

³⁶ Kinnaaphenta axinamwane. Nyuwo khimunaaphenta?

³⁷ Akavi ahinatoko wiiwa yoowoona Apwiya akivahale aya? Nrowe noone matat’anyu ovenxiwa, ale ahinatoko. Munna Neville, mookhalana eliivuru anyu ekhaani vo, khino, khino mwaamwaasomela va, okathi vakhani. Miyo kinnaamini... Vaava va, xontte.

³⁸ [Munna Neville onsoma ya Fevereero, 1961 *Nsu na Alopwana a Ehapari yooreera Yoomalela—Mol.*]

[Voosiisu umosa kaarimummaathi vooilini vaka. Kaammalaru ovenya waarupaaka, nto kihela matata waakohi kiitthyuuwa ni muru vamusawuni. Vano kipacerya wiikoha moota onrowaaya okhala Epantte ekina. Kiphiiyerya osuwela wira kaahikhala ovikana

nuusu na ekumi aka kakhalaxaru ntoko atthu aka, ni kaanithhuna-tho waavarela-tho muteko Apwiya kihinatthi ohiya ekumi ela.]

[Kaahiiwa Nsu naahimya wira: “Nyuwo munoopaceryaru paahi! Mwiilipihe owana ekhotto! Mutthikele mwiiliphaka!” Kimmaathale-ene vaavale kitthokelelaka moolumo, kuupuwela wira kaamwaanyiherya paahi wiiwa Nsu. Emaara ekina Nsu khwira: “Mwiilipihe owana ekhotto! Mukeleleke ohoolo! Mukeleleke ohoolo!” Nlelo kihaaminiki, kuupuwela wira alakela kaaroolavula moolumo ene yoomi. Kilumanyiha iyano saka ni maino aka kihela ntata vayanoni vaka kiiwelela. Nsu khulavula-tho: “Mutthikele mwiiliphaka! Mwaasuwenle eri wookiseryani w’ephiro!” Kikhala ntoko wiiwa muusika ni moolumo a nsipo nimosana na khalayi, noolimaleleya:]

[Wookinkhela owaani ni kooxanka, ni kinthhuna kimoone Yesu,]

[Kaatthuna kiiwe isiinu iye sa ntthyawelo sirumaka,]

[Yaammwaleela ephiro aka ni yaamulakaseiha woova wothene;]

[Pwiya, mukihye kiwehe epantte ekina ya ekurttiina y’okathi.]

[Vano Nsu khukoha: “Mwaanithhuna woona epantte ekina y’ekuwo?” Miyo khwaakhula: “Yaamukikhaliherya vanci-ene!”]

[Etthu yiiraneiyemiyo nkinwerya ohimya. Sintoko kaari mw’eruthuni wala ota, wala sintoko waari okuxiwa, miyo nxisuwenle, masi yaari yoovirikana ni khula yoowoona kintonko aka okhalana. Miyo kaaniwerya woona nipuro kaakuxiwaaka-vo ni kaaniwerya wiisoona kimmaathale ottuli wu voolilini vaka. Miyo khwira: “Ela etthu yootikiniha!”]

[Waaikhala mwaattelo muulupale wa atthu ni awo jaarwa etthimakaka wira ekikhomase, ekhuwelaka: “Oh, munn’ihu oophenteyexa!” Voopacerya jaarwiiye athiyana, voolikana ntoko a miyaakha miloko miili, ni okathi waakipatikhaaya yiira: “Munn’ihu oophenteyexa!” Aximiravo, m’owaaryani waya w’emiravo, ni maitho yaaryaka ntoko ittheneeri ohiyu wooriipela, ni maino ootteela ntoko nluku noowaarya, yaanikipatika, yiiraka, “Munn’ihu oophenteyexa.”]

[Vano miyo kaahiweha wira miyo, nave, khaahikhala-tho mmiravo. Miyo kiiweha weiwe ni kirukunuwa kiweha ottuli eruthu aka yoowuuluvala yimmaathale voolilini ni matata aka waakohi. Miyo khwira: “Nkinsuwela yeela!”]

[Vapaceny'aka ophavela osuwela oratteene nipuro kaary'aka, Kipacerya osuwela wira khiwaakhanle nsana ni hata meelo iwe. Khaavo aakhala ntoko ookhulumuwa. Muttitthi wa aximwali ooreeraxa kitonko aka woona akipatikhaka, kiphwanya wira waari paahi ophenta wuulupale waakixintta ni hata ovariva murima wa erutthu ntoko mweettelo wa omutthu. Kiweha wira aximwali ala othene yaawara maihi aya mpakha muyuununi ni isaaya sath yaapakha munawoni.]

[Nuumala yeela, Hope, amwaar'aka oopacerya, khukipatikha, khwira: "Munn'aka ooreeraxa!" Vano mwamuthiyana mukina khukipatikha nto Hope khurukunuwa khumpatikha mwamuthiyana. Miyo khwira: "Nkinsuwela saana yeela. Ela etthu yoovirikana voomalela n'uphenta wahu w'omutthu. Nkinthuna otthikela erutthu ile yoowuuluvala vooilini."]

[Vano Nsu nimoso khulavula ni miyo: "Ela t'ile nyuwo mulaleny'anyu okhala Erooho Yoowaarya! Ola mphento woomalela. Khiyaavo ekhanle oovolowaka Nno ehirina yoowo!"]

[Voottharana kikuxiwa kikilaathihiwa nipuro noottukhuwa. Vookirukurerya saari iyaattelo suulupale sa alopwana n'athiyana mwa othapuluwa w'emiravo. Awo yaamukhuwela, ni ohakalala: "Oh, munn'ihu oophenteyexa, hiyo khanireere otteeliwa murima owoonani nno!" Miyo kuuupuwela: "Miyo nkinloha, okhala wira kinniweya owoona atthu ala ni kinniweya woona erutthu aka yimmaathale vooilini vale."]

[Nsu khulavula ni miyo: "Nyuwo moosuwela wira yoolempwa mBibiliani wira maprofeta yaathukumanyiwe n'atthu aya." Miyo khwira: "Ayo kinnuupuwela eyo mwa Soolempwa, masi khakhanle aBranham anci-ene siisa." Nsu khwaakhula: "Ala kahiyo aBranham. Ala t'ale awinyu oorukunxa murima, yaawo muweettihenry'anyu w'Apwiya. Athiyana amosa-amosa ala munuupuwelanyu okhala aximwali ni ooreera yaahivikana miyaakha miloko mithanu na mixexe okathi nweettihenry'anyu w'Apwiya. Khivanxankiha awo okhuwelaka, 'Munn'aka oophenteyexa!'" Vano muttitthi wothene khukhuwela vamosa: "Nyuwo mwahaaronwe ni Ehapari yooreera, hiyo khinaarowa okhala wenno!"]

[Miyo khuvekela: "Oh, Yesu ori vayi? Kintthuna kimoone Yoowo!" Atthu khwaakhula: "Owo ori osuluxa vakhani. Nihiku nlo Owo onimoorwa wa nyuwo. Nyuwo mwaarummwe ntoko muhooleli, nto Muluku arwa vale, Owo onimoolamulani ottharihaka mwiixuttiho anyu." Miyo khukoha: "Paulo ni Petru ohaana ovira

moolamuliwani wenzo naye?” Waakhula waari: “Ayo!” Miyo khwira, “Miyo kilaleiye etthu awo alaleiye-aya. Miyo nkhipapune Awo epante emosa wala ekina. Nipuro awo apatinse aya mwa Nsina na Yesu, ni miyo kipatinse aka; nipuro awo yiixuttihaly’aya Opatiiso wa Erooho Yoowaarya, ni miyo kiiixuttiha. Etthu p’itthu awo yiixuttihaly’aya, ni miyo, kiiixuttiha.”]

[“Hiyo noosuwela eyo,” atthu khuhimya “ni noosuwela wira ninootthikela elapo ya vathi ni nyuwo nihiku nlo. Yesu onimoorwa oolamuleni ottharihaka Masu nyuwo munilalenryaanyu. Vano munoonooniherya wa Yoowo, ni othene vamosa ninootthikela elapo ya vathi wira nakhaleke mahiku othene.” Miyo khukoha: “Kihaana otthikela elapo ya vathi, vano?” Awo khwaakhula: “Ayo, masi mutthikele mwiilipihaka!”]

[Vapaceny’aka okhuma nipuro nle nooreera, n’otthapa, ottaiwenexa maitho aka yaaweryaya woona, atthu yaamurwa vaaryaaka wira ekipatikhe, ekhuwelaka: “Munn’aka oophenteyaxa!”]

[Naanaanoru miyo kitthikela voollilini. Miyo khwira: “Oh, Muluku, mukikhaliherye! Muhikihiye nnakhala kiisakalelihaka ni etthu ehikhanle ya Masu. Mukitthuniherye okhala oratteene mwa Masu. Nkincala etthu atthu akina aniiraaya, Pwiya, mukitthuniherye kiilipihe mpakha nipuro nle nooreera, ni nootthapa!”]

[Kookupalixa kihinatoko aka kookhalaru wira onrowa otthuneya ophenta wooloka wira mukele nipuro nle. Khinaakhanle nrima, nnakhala okhulumuwa, nnakhala eretta, nnakhala wuuluvala, nnakhala okhwa. Oreera woomalela ni ohakalala!]

[Khula eniiraanyu, muhiye itthu sothene sikina mpakha mwaakhele ophenta wooloka! Muphiyerye nipuro mukhanlyanyu waaphentaka atthu othene, hata khula nwanani. Hata wira ntteeke ninoottikinyeya, overunya okukutteyaka, wala ikapwitthi sa nwanani woothoonyani nyuwo, itthu iya khasincala: mwaakhele mphento wooloka!]

[Mwiira muhooponwe, mmukupali Yesu Kristu ntoko Moopoli anyu naanaano va! Mwiira muhipatisiwe mmaasini, mpatisiwe naanaano va! Mwiira muhaakhenle Opatiiso ni Erooho Yoowaarya, mwaakhele naanaano va! Mwiilipihe mpakha ophenta iwe wooloka voomalela onrowa woorohani nipuro nle nooreera ni nootthapa epante ekina ya ekurtiina y’okathi!]

³⁹ Kooxukhuru, Munna, mwaha wa yeeyo. Eyo...Miyo kaahuupuwela, khino, amosa-amosa a nyuwo mwaamusoma

ela. Ni mwiira nlelo muhikhalanne eliivuru ekhaani, vano, munoowerya ophwanya.

⁴⁰ Vano va, vathi vene va nikukhu, yookhala elepelo ekhaani enihimya muteko vo. Nkisuwenle sintoko mooweha wala nnari, vathi vaya, nuumala osoma yeeyo. Variyari vene, nuulumo nimosa naamukhaani vathi. [Nipuro vahiitthu mufiitani—Mol.]

⁴¹ Vano, eyo enrowa mwa khula nntaava vathi v'erimu, moone, wira—wira esommwe mulaponi mothene.

⁴² Vano, “Exeeni—exeeni . . .” ahe, nyuwo muniira, “mwaarowa ohimyela-ni yeeyo, Munna Branham, muhinatthi waavekelela aretta?”

⁴³ Mwaha wa ela: wira niwerye osuwela wira wiilipiha wahu kuhiyo w'ethiru. Munnona? Hiyo nihaana omwaattamela Muluku niviraka evirelo ele ya mphento ni waamini. Waamini onniniroiha evirelo yeeyo. Ophenta t'onnikihiha. (Kileveleliwe.) [Nipuro vahiitthu mufiitani—Mol.]

⁴⁴ Vano, nyuwo munuupuwela wira Muluku aamu. . . Vano nrowe. . . Vano, waamini wanyu onniphya nipuro vano, nyuwo munuupuwela wira. . .? Mwaarowa wuupuwela exeeni vano vaakhanle wira wiilipiha wothene e. . . etapernakulu ila ni makhuru ala a etthu va anihelalakaaya, wa Omwene wa Muluku? Aakhala anci-ene mu anvukulaka sowaavaha an'aya, mwaha wa Omwene wa Muluku. Aakhala anci-ene va ankhalaka ahithumaka ikuwo, mwaha wa Omwene wa Muluku. Aakhala anci-ene anviraka mmwanakhayani, ni weetta ahirina ixapattho munawoni, wira aphiye otapernakulu va, ti yeeyo, mwaha wa Omwene wa Muluku.

⁴⁵ Mwaamuwerya omutthokelela muratti apintariki elatarato yoosuwanyeya, yooreera, mpakha okhaliha yooreeraxa, vano nto khunahonona? Yaamukhala etthu yoohiloka ni muratti owo. Mwaamuwerya omutthokelela namalepa masipo olepa nsipo mpakha okhaliha nooreeraxa, nto nuumala khunakhera mu—muusika awe? Yaamukhala etthu evonyeiye ni mulipa olepa masipo. Munnona? Khiyaavo hat'etthu evonyeiye ni Muluku. Muluku khompaka etthu siisa, wira ahonone paahi ni orihela. Ti ya Omwene Awe. Ti wa Ovuwa Wawe.

⁴⁶ Khula mmosa a hiyo onvara epantte ya elatarato ela ni nsipo nla. Hiyo na ipantte sa Omwene wa Muluku. Ni eyo ti wii, wii ninoowerya wira mpantte ahu, vakhalaru wira ninnisuwela varyaahu mwa opuro, wira niniira mpantte wa nipuro nenla, vano nto ninakhala vaavo nipuro nenlo. Ni nipuro nimosa ninsuwelaahu, ti moophentani, okhala wira ti yeeyo empaka elatarato.

⁴⁷ Vano, ti yoolipa moonaka soowoona iya siisa, n'itthu siiso, wira musuwele etthu eri—etthu eri Epantte ekina. Miyo kaanitthuna kaasuwenle. Mulopwan'ola onnihela elepelo ela ekhaani vathi vale, wira ahimye wira maprofeta a khalayi, wira

awo yaahikhalana soowoona iya, ni sikina, ni moota, olelo, hata ovikana etthu. . . Hiyo khaninwerya osuwela saana, masi Apwiya anninitthuniherya wiilipiha wira nikele mwa yeeyo ni woona exeeni iyo.

48 Vano, apatthani, miyo nkaarupa. Ni miyo, eriyari ya nyuwo ni miyo, ni ekerej'ela va, miyo nkaari mwa yoowoona. Koosuwela moota enkhalaaya yoowoona. Imosa-imosa va, esumana evinre paahi, ikina, saari mpakha imaara miloko miraru, ohiyu umosa, siiraneieye aya. Munooverya otthokelela muritti ori mwa nyuwo. Onnookhalihani oowuukhuleya, vekeekhai.

49 Nkhi nyuwo mwaaronwe vamuthukumanoni siiso, ni n'uthokorerya paahi, muthukumano wiiraneieye saana wala nnari, yaamukhala mwa nyuwo, paahi—othokorerya paahi? Vaakhanle wira mwaahaana omwaakhula khula murumeyi, khula yookoha, sothene. Muthukumano wiiraneieye saana wala nnari, othokorerya waarowa okhala mwa nyuwo, paahi. Nkawehani etthu yaarowaaya owiirihani.

50 Ni aakhala aamosa-amosa a axirikha aka a muteko, mwaha wo otumiha iliivuru paahi, ni sikina, yaari oowuukhuwa saana, awo yaahaana orowa owaani, moone, wummaathi, khiyaarwiiye okereja ohiy'ule. Wulu! Oh, ti yoolipaxa. Ntoko mwaara a mwan'aka, mwali oophenteya muKristu, Loyce. Paahi—mwaha w'orowa omuthukumanoni, paahi. . . Mwa isumana thanu na tthaaru, ahiiso isumana thanu na piili, voohihiyererya siiso, aahaana okhala voolilini nihiku nimos a wala maili, moone, ahikhalanne muteko. Munnona? Billy, okawa ittikitti vakhani paahi sa mavekelo, nto onkhala oowoocya.

51 Masi, moone, muritti wothene onkhala mwa miyo. Miyo kihaana olipa ni nyuwo wira mukivekelele. Munnona? Ohiya vo, enihimmwa wira—wira minuutu miloko miili sa—s'olaleya, vathi va muupuxeryo, sinoolikana ni iwoora thanu na tthaaru sa muteko woolipa, wa erutthu anyu. Kinlaleya iwoora piili mpakha tthaaru ohiyu umosa; imaara sikina vaara vararu nihiku nimos a. Munnona?

52 Vano nto ankhi yoowoona emosa? Yoowoona emosa yaahimukhaliha Pwiya'ahu Yesu ootteetheya. Ti yeeyo. Bibilia ohimye wira muthiyana mmosa aarookwannya nlaya Nawe, khimuhitteetheiha. Ahe, vakhala wira yoowoona emosa yaanimuhiya Owo otteetheya, Owo, Mwaana a Muluku; ankhi miyo, natampi oopoliwe ni mahala, saarowa wira exeeni miloko miraru sa seiyo ohiyu umosa? Munnona? Eyo. . . Neemenle paahi nuupuwela, ti yoonvikana khula mutthu. Erutthu ya mutthu khenwerya ovilela eyo. Miyo kaamukhala empa ya anamukhw'anepa nipuro nlo, kimanelaka muru aka vaxirini. Munnona? O—otteetheya vahinwery'anyu. . . Otteetheya wa muhina, moone, eyo enimoomalamalihani paahi.

⁵³ Vano, masi exeeni mwaarowelaanyu wiilipiheryaka nto? Khino kinoohimya ela. Kinnimoona Munna mulopwana ni Munna muthiyana Cox, vale, Rodney ni mwaar'awe, ni munna muthiyana, va, a ottuli iwe, arukunxale murima naanaano. Wookhala Muttethe, epantte ekina nipuro nlo, vamphiyereryaanyu wupuwelela mmuruni mwanyu ni owerya woona Yoowo, ti etthu yoovuwaxa. Onniphwanela wiilipiha wothene oniiraahu. Munnona?

⁵⁴ Vano, kihinatthi waavekelela aretta, kaamuhimya ela:

⁵⁵ Ankhi ttuutthu, ohinatthi oyariwa, nitthokelele yeeyo, ttuutthu okhanle mmirimani mw'ame awe, mwa miyeeri iya mithanu na mixexe, nto mwaan'owo aawerya wupuwela? Owo aamwiira, "Moosuwela? Kileeliwe wira kihanle oyariwa. Ahe, kinrowa wira exeeni ota iwo? Miyo nkinsuwela etthu woohikhala nipuro nla kinkhalaaka va. Miyo kinkumiha ikuru saka muhina. Ni kinrowa okhalaka sayi ota iwo? Kinleeliwa wira nookhala nsuwa nnaarya. Kinleeliwa wira atthu iwe anneetta nno ni nno. Ni nkinsuwela etthu woohikhala nipuro nla va. Ti yothene ensuwelaaka, muumu mu mmi—mmirimani mw'ame aka. Va ti nipuro kipakiwaaka-vo. Va ti yothene kinsuwelaaka, eri mmirimani mu. Ni kinileeliwa wira wookhala opuro onihala!"

⁵⁶ Ahe, mwaan'owo aamuhalela okhwa, woova oyariwa. Eyo ekeekhaii? Owo aamukhala oovaka, okhala wira aarowa orowaka nipuro nimos aohinsuwelaawe etthu na nenlo, nikhhanle nuulupalexa, nuulupalexa vaara imilyawu sene, ovikana nle onkhalaawe. Owo khaarowa osuwela yothene eyo enihimya exeeni, aamwiira, "Sayi, kinrowa wira exeeni?" Owo aamuhalela okhwa, woova oyariwa, masi hiyo ninkhala muumu, ahe, hiyo naatonko okhala iwe emaara emosa, hiyo khinaarowa otthikela iwe hata vakhani, khinaarowa otthuna otthikela mmirimani mwa amaama. Munnona? Nnari, khinaarowa otthuna wira yeeyo.

⁵⁷ Nto ti siiso siry'aya okathi onkhwaahu, mpatthani. O Muluku! Munnona? Nyuwo muniyariwa Nipuro nimos. Nyuwo khimunatoko okhala Weiwo. Khamunwerya osuwela Eyo, moota eryaaya yuulupale. "Onrowa—onrowa okhala sayi Iwe? Miyo. . ." Nto etthu emosa paahi enikisuweliha, wala nyuwo osuwela wira, okwannya iwe vakhani w'Ekumi, ntoko erooho enkelaaya mwa mwaana mmirimani mw'ame awe. Munnona? T'inamuna emosa paahi nikhanyaahu osuwelaka saana ele ekhanle Muttethe ole muulupale iwe, ohikhanle-wo eretta, nnakhala oxanka, nnakhala okhwa, nnakhala wuuluvala, hat'etthu. Oh, wulu!

⁵⁸ Vano, vamanlanyu ophiya Iwe, khamunkhalakhala mutthuna otthikela nipuro ntoko nla, siiso ntoko ttuutthu ahaarowaawe otthuna otthikela mmirimani mw'ame awe. Munnona? Ti yuulupalexa Epantte ekina, moone, Iwe. Hiyo

khaninwerya osuwela Eyo, vekeekhai nnari, khaninwerya. Vano, siiso ntoko tuutthu ole okhanlyawe ottaiwene wa khula muupuwelo, siiso hiyo nri ottaiwene wa khula osuwela wa ele yaarowa okhala ele Iwe, moone, okhala wira hiyo nri mmirimani mw'elapo, oolikana wira niyariwe nihiku nlo, Momweneni musya, Molumwenkuni musya.

⁵⁹ Nto ti siiso sinoonaaka mwaha wa sowoona iyo ni itthu siiso, wala wa khula etthu ekikhumelenle nihiku nle waaronwe aka epantte ekina, epantte ya ota paahi, ni khoona exeeni yaari Ile, vano nto khutthikela nno.

⁶⁰ Mwaamuwerya otthokelela okhala ttuutthu ni—ni okhalana o—osuwela etthu, moota yaarowaaya okhala yoovuwaxa weetta nno ni nno, woona miri siphuwaka, axipalame yiipaka, nsuwa naaryaka, ni ekumi ela, vano nto okhala ootthukeliwa mmirimani? Vano, khimwaarowa otthuna otthika, hata vakhani.

⁶¹ Ahe, nto, hiyo, wawihu—muupuwelo ahu waamuuma nantiirya, mwa epantte, wala ophavela wuupuwela moota oryaaya Iwe. Okathi, Yoolempwa enihimy'aya, “Niitho sihoonaly'aya, naaru sihiwaly'aya, wala sihitonko okela mmurimani mwa mutthu ti ele Muluku aasukenly'awe, ale animphenta Yoowo.” Munnona? Tivo noosuwela wira ti woovuwa Epantte ekina. Nihiku nlo, okhwa, ele eniithanaahu okhwa, onoonivaha Oyariwa vasya, ni ninookela Molumwenkuni mukina, Epantte ekina.

⁶² Munna George, khamunrowa okhala oowuuluvala, oorakala, Iwe. Ni Munna mulopwana ni Munna muthiyana Spencer, ni akina ntoko amosa-amosa a hiyo oowuuluvalaxa, ni sikina, ni ninrowa okhala amiravo iwe mahiku othene.

Ela ya khalayi...ekuwo ela ya erutthu
kinoomoroxa, ni kinoovenya
Ni kinookuxa otthuveliwa ohinimala,
N'ukhuwela, kiviraka musulu,
“Kwaherini, kwaherini, ewoora yoosiva ya
mavekelo!”

⁶³ Sothene soomala, nto. Ohikhala-tho ohiyu woolekela wa mavekelo, ohikhala-tho. Ovolowa paahi, munnuwelo ole w'emiravo wa ohakalala wo okhala Iwe, kahi mwa mwaakha mmosa paahi, wala miloko mithanu, wala miyaakha emilyawu, masi nakhalaru Iwe miyaakha ipilyawu emiya, ninrowa wira hata nihipacenrye nnakhala. Ti yeeyo. Tivo xeeni nahaakhanlyahu okhalaka ootthapa voosis'ula? Xeeni nahaakhanlyahu ohakalalaka? Xeeni nahaakhanlyahu ottottelaka muraarelo wa khula etthu yuulupale Muluku onnivahaawe?

⁶⁴ Va ori ovoniha wa Muluku. Mwaha Yesu onyakeleliwaawe; wira apwanyule elatarato, ni wira, “Kherina etthu”? Owo onyakenle erutthu Awe wu, maparari khukhuma, wira,

“Ni makhwatta Awe noovonihiwa.” Nihihonone elatarato, voosis’ula. Nrowe nipatikhe Yeeyo, nikupali Yeeyo.

⁶⁵ Vano, munna, ni khula mmosa a nyuwo vano onrowa ovekeleliwa, mmurukurerye altaari. Okathi mutthaka olavuliwaaya, okathi vakhani ovinre, mwa otaphulela ni ilavulelo, wira naamuwixaaatherya matata aretta ni naamoona miteko sa ikuru sa Muluku.

⁶⁶ Vano, munn’ihu, khamurina yo ovenya, munna, mummaathale vo vanrepani. Hiyo nnimoorweelani.

⁶⁷ Masi yaakhanle-ene akina va wira avekeleliwe, yaatthuna weemela waltaari, okathi munna ni miyo ninvekelaahu ni owiixaatherya matata aretta, murwe naanaano va. Ni muupuwele, mpatikhe elatarato eyo, “Ni makhwatta Awe noovonihiwa.”

⁶⁸ “Miyo nkinsuwela saana eyo, Pwiya.” Vekeekhai, nnari. Nyuwo nlelo muri mmirimani mw’elapo.

⁶⁹ Masi Owo aahipaka itthokiheryo iyo. Ni Owo khaarowa okuxa...Xeeni Owo akelaka onyakattiwa? Wira apwanyule elatarato ene, wala okhera nsipo, orihela ota? Nnari, mulopwana. Owo oonyakattiwa, oohaaxiwa, ni oovuuva ephome, wira hiyo nivonihiwe. Ni mwaha wa yeeyo, hiyo, “Ni makhwatta Awe, ninnivonihiwa,” khula mmosa a hiyo. Vano, murwaaka, muthukumanaka waltaari mwaha wa mavekelo.

⁷⁰ Vano, yinci-enexa elaleeryo ehapari ela yuulupale ya wAmerika nno y’olavilavi ya wAmerika, ni olavula mwaha wa, “Muhaana wira *ela*, wira *ele*.”

⁷¹ Yookhala etthu emosa entthunaaka okhala naxariya ni nyuwo, mpatthani aka. Etthu ene, enamuna Muluku onvonihawe, enlipihereya ni omurumeela Yoowo. Munnona? Enlipihereya ni omurumeela Yoowo. Nihaana okupali ovonihiwa wahu ni mulipiheryo, wa, hiyo omurumeela Yoowo nuumala ovonihiwa. Vano, Bibilia ohimnye wira, “Mulaphulelaneke sootheka sanyu, mmosa ni mukhw’awe. Nvekelelaneke mmosa ni mukhw’awe, wira nvonihiwe.” Munnona? Enlipihereya, mwa nyuwo omurumeela Muluku. Anci-ene a nyuwo va, khino, muri mwa mukhalelo wo okhwa, ni nyuwo—nyuwo muhaana okhwa yaahiraneyeye-ru etthu. Vano kinthuna wira nyuwo, mmurimani mwanyu. . .

⁷² Vano, hiyo pooti woottikitthelani ni makhura, hiyo pooti woovekelelani, pastore ni miyo, ovekela nivekelo na waamini, wira sothene sinwery’ahu, masi khenrowa ophwanyiha etthu mpakha nyuwo mukele moopatthanani ni Kristu. Munnona? Nyuwo muhaana orwa moopatthanani mwemmo, wira, “Miyo, Pwiya. . .”

⁷³ Kinnimoona mu—mu—mwali mmosa eettaka iwe naanaano va. Owo aahirwa va, woohikhala khalayi owaani, ni etthu ntoko

muuwe, wala eretta ya Hodgkin. Ni owo Mmetotista, waamini wawe. Kookupali wira eyo ekeekhahi, kehiyo, munna? Nto owo aahikhalana mwaapapari muulupale mpararini. Nto vano owo eemenle vale, oovonihiwa.

⁷⁴ Kinnimoona Munna Weaver muthiyana eemenle va, aari mmosa wa myaha sootepa sa kankuru kitonko aka woona, kookhalaru. Nto etthu yoopacerya kaamukohaly'aka yaari, vakhala wira aampatisiwa mwa Nsina na Yesu Kristu ni wira aamulapa itampi sawe. Okathi omuroihaly'aka mmaasini mu, kaahaana onvarelela; owo khareere wootta, miyoono sawe, sooyeva saana. Nto owo khupatisiwa mwa Nsina na Yesu Kristu. Nto eyo yaari miyaakha muloko mano sivinre, kahi siiso, murokor'aka? [Munna Weaver muthiyana oniira, "Nnari. Soovira miyaakha muloko ni mithanu na mosa."—Mol.] Miyaakha muloko ni mithanu na mosa. Miyaakha muloko ni mithanu na mosa sa ekumi yoowiinaneliwa, okhala wira aahilikanana wiiwelela. Okathi mameetiku oosuwelaxa nno. . .

⁷⁵ Vano, meetiku awe yoowo khukihimeerya. Okathi, kimuleenle aka—kimuleenle aka, wira, "Oovonihiwa."

⁷⁶ Khwira, "Oh, oh! Owo onimookhwa ni kankuru, muhina mwa isumana vakhani. Muhivelavele mwaha wa yeeyo. Owo onimwiira okhwiiye. Isumana vakhani sikina, onimwiira okhwiiye." Ni owo iira onvahale nihiku nimoso wira akhale mukumi. Nto ola ori va, olelo, nuuvira miyaakha muloko ni mithanu na mosa, eemenle waltaari. Exeeni-tho kaakhanly'aka ohimyaka, etthikelaka emaara ti emaara, emaara ti emaara!

⁷⁷ Vano, Muluku khonimwiirela eyo mwan'Awe mmosa paahi, nave khuhinawiirela akina. Owo onniwiirela an'Awe othene. "Ole onthhuna arweeke." Ti. . .Nyuwo moolattuliwa orwa wa Yoowo. Vano, "Mavekelo o waamini anoomoopola muretta." Biblia ohimnye yeeyo.

⁷⁸ Vano—vano, vakhala wira. . .entthunaaka wira mwiire, olapa soovonya sanyu wa Muluku, ni wira, "Pwiya, mukivonihe." Vakhala wira khamunatoko orukunxa murima, nvahererye mirima sanyu wa Kristu. Ni nyuwo mwiira muhinatoko opatisiwa, mmaasini, mwa Nsina na Yesu Kristu, yookhala etanki yoolikana. Munnona?

⁷⁹ Ni mwamuthiyan'ola epantte ekina ya ephiro nno; okathi mulipa-oohaamini ole aarukunxiwaawe murima mwaha wa yeela. Okathi owo aammaathiki-awe. . .Awo khuroihiwa owaani okhuma Silvercrest, ni elapaha, akhwaaka. Ni okathi oronwaaka weiwe, ni Apwiya khuvaha yoowoona, khwira, "Owo onoorowa ovonihwa."

⁸⁰ Nto owo khukumana ni miyo iwe, voosiisu aya, Mwenye Andrews, ni khukupwapwela volipa-vo. Khwira, "Nroromelo woowootha siiso, mwaha wa muthiyan'ole!"

81 Miyo khwira, “Mwenye Andrews, khuhiyo nrromelo wowootha. Muthiyan’owo muKristu. Ni awerya-ru, onimoorwa opatisiwe.”

82 Ni owo khwira, “Owo onimookhwa.” Khwira, “Miyo... Vaaweryaneya sayi owo oroihiwa owaani okhuma oSilvercrest?”

83 Miyo khwira, “Mulopwana, munweha, nyuwo mu... Etthu enwehaanyu, munweha ele meetiku enihimyaawe. Miyo kinweha ele Muluku ohimmyawe.” Munnona?

84 Vano, evirikanelo ti yeeyo paahi, etthu enwehaanyu. Munnona? Mwaawehaka ele meetiku onihimyaawe, vekeekhai munookhwa. Masi muhaana owaha ele Muluku ohimmyawe. Nuulumo n’awani murowaanyu okupali?

85 Ankhi Abrahamu aakupanli muupuwelo wa meetiku wa owo okhalana miyaakha emiya, ni aarowa okhalana mwaana ni amwaar’awe, a miloko mithanu na mixexe? Owo aarowa wira exeeni nto? Munnona? Vano, meetiku aamwiira, “Mulopwan’owo mulolo.” Masi Muluku aahimukhaliha naxariya, okhala wira owo aahimwaamini Muluku. Munnona? Vano, nyuwo... .

86 Ni muthiyan’owo khukhala mukumi. Owo aahinyoonyeriwa opatisiwa, mwa Nsina na Yesu Kristu, okhala wira kinoona wira aari Mmetotista wala muPrespiteriyaano. Owo khupacerya otepa owereiwa. Nto khurwa khimukuxa Grace Weber, aakhala oratteene, wala, nlelo onkhala weiwe, mwan’awe muthiyana, t’onkhala, robe, nto khurwa va, khupatisiwa mwa Nsina na Yesu Kristu, ni ehooma, ni iretta ya miyuuwe saakhumme vanikhatani vawe nothene ni sothene, ni ehooma, ya ikharawu emiya ni xexe. Nto khupatisiwa vaava, mwa Nsina na Yesu Kristu. Ni owo onkhala epantte ekina y’ephiro nno. Pooti okilaanthe-ene vaava naanaano va. Koowehaweha wira koone sinto kaamuwerya omoona, minuutu vakhani sivinre. Munnona? Wiiwelela, moone.

87 Kuhiyo paahi orowa iwo...Miyo kinnivirikanyana ni amosa-amosa wa axinn’ihu, omwiixaatherya matata paahi *ola*, *ole*, ni *mukina*, siiso, ni ehimyaka wira enamuna emosa ya waamini wuulupale enookhumeleliha. Kahi yeeyo. Muhaana okhalana waamini wooloka, woolipa, wa Bibilia, wa Erooho Yoowaarya. Munnona? Kho, khonlekela. Kuhiyo woolekela.

88 Mwaha wa yeeyo kinweryaaka waaxukhuru Apwiya mwaha wa Awo okikhaliherya mpakha va. O—o—ovoniha wiiraneieye ti wooloka, okhala wira ti woolipiheriwa oratteene vasulu va SIISO ANIHIMYA T’APWIYA. Munnona? Tivo onookhala.

89 Vano—vano, ntoko exikola ya Ttiminku yaamukhaani, Miyo kaamulipelela minuutu mmosa paahi, kilavulaka ni nyuwo, mpakha awo okhala mapuro aya, voopuroni, wira niwerye okhala oomaala vano. Nirina minuutu vakhani paahi, ninrowa ovekela, ninoopacerya ovekela.

⁹⁰ Vano, kintthuna wira khula mmosa a nyuwo alape soovonya sawe wa Muluku, ni ammanele natiri Muluku wira onoomurumeela Yoowo ni onimwiira sothene sinweryawe. Nto pastore ni miyo ninrowa ovekela, ni owiixaatheryani matata, ni vekeekahi munoovonihiwa mwaaminiru.

⁹¹ Vaaweryaneya sayi athu ale arina attootto, ni oohiwa, ni oohilavula, ni oohoona, Ettiminku evinre oxekuwa, owela vaplataforma paahi, omurihela ttootto aya; owela vaplataforma, maitho otthukuwa, moosuwela, siiso? Imiya imiya sene a yaawo! Mpakha, vaakhanlyaka ootteettheya, kaahalaaka okumihiwa kikuxiweene nipuro nle, keemenle-ene paahi, awo aviraka. Munnona? Othataana waarowa okhuma va mpakha Exikola Sekuntaariya ya oJeffersonville, ohalela, oothataana, ovira mootataana. Ni nkisuwenle vakhala wira ookhala mmosa a yaawo, aavinre, ohivonihiwe. Munnona? Okhala wira awo jaarwiiye ni mulipiheryo wa waamini w'ekeekhai, wooloka wa oKristu ni yaaminiki. Awo. . . Ehaana wiiraneya.

Vano muramihe muru anyu, athu othene, akikhaliherye waavekelela.

⁹² Pwiya Yesu, hiyo ninruuha wa Nyuwo, voosiis'ula, muthukuman'ola weemenle va, olipelelaka, wa anamwane aretta, ooxanka, oohaaxiwa. Awo kharina hata nrromelo, anci-ene aya, Pwiya, wa ovoniha wa mameetiku, vanci-enexa mulopwan'ola ommaathale va vanrepani va. Mahala Anyu ahiiso owo onookhuma molumwenkuni muhina mwa mahiku vakhani. Ni vekeekhai, khino siiso akhanleene amosa-amosa yeemenle waltaari nno, onaawereya murima, ni iretta, ni mixankiho saarowa waamalimaliha.

⁹³ Eri etthu emosa paahi, Tithi, enwerya owoopola, okhanle, orowa ovikana miyoonelo mithanu va s'erutthu ila, weiwo mameetiku yeeherenryaaya voororomeleya, vekeekhai, wira yoopole ekumi aya; iretta, kankuru, elapaha, eretta ya murima. Nave ni sooloola sothene, ni ituupu, ni ikaruma, ni—ni—ni mirette soowana-no iropo, nwanani onniithukumanya wira akumihe ekumi aya.

⁹⁴ Ni miyo kinnihimiyaka, Pwiya, kinnaamini, muupuwelo Anyu, wa yaawo. Ni koomwiiwa mulopwan'owo olavula ilavulelo voosiis'ula, ni khuvaha etaphulelo ele, etthu yaarowa okhumelela olelo. Akina w'awo anoorowa waakhela, Pwiya, vekeekhai. Ti yeeyo. Miyo kinnaamini.

⁹⁵ Nto vano, ntoko silempwaly'aya mBibiliani, wira Davidi, mwammiravo makampusi, aaweha ipwittipwitthi s'atithi awe, ottaiwene wa mothakoni. Nto nihiku nimosi mwatto khurwa khunvara mmosa wa amwaapittipwitthi a atithi awe, khutthyawa ni yoowo. Nto mmiravo ole makampusi, ni waamini, owo aarina exeeni wira awanane mwatto ola? Kahi erifle ya naanaano wala kapwitthi. Masi owo aarina pharancikula

mwaamukhaani, khimuwowela mwatto ole. Owo khumwiiva mwatto ole, khuttikiha epwittipwitthi ele. Ekhaya khurwa khuvara emosa; owo khutthimakela ekhaya ele aaweryawe onyakattelaka vathi. Masi owo khuupuwenle wunnuwa wa ekhaya, wala ikuru sa mwatto, wala oveya wawe, wala ohiwerya wawe ni pharancikula.

⁹⁶ Masi okathi owo eemenly'awe ohoolo wa mwene Sawuli, owo iirale, "Murumeyi Anyu aakukhula ipwittipwitthi s'atithi awe, nto mwatto khurwa khukuxa emosa, khutthyawa. Vano miyo khimuwowela khuhokoloxa epwittipwitthi." Owo khwira, "Muluku ene yoowo okivulunxe mmatatani, ahiiso munipitani na ekhaya ele, wala munantereni mwa mwatto ole, onniwerya nave-tho omukuxa muFilsti ula oohilyihiwa masoma okivaha mmatatani mwaka."

⁹⁷ Ntoko sinsuwelaahu ehantisi ennihimya, wira owo aahimwiiva; aahimwiiva mulopwana mmosa aari muulupale, imaara sinci-ene onvikana owo, ni nakhotto. Moota yaamutikininde aya Sawuli, mwene ole muulupale, mulopwana muulupale ni oowerya, moota mwammirav'ole aakhanlyawe omwaaminiki vaalupale pharancikula. Nnari, kahi omwaamini pharancikula, masi omwaamini Muluku.

⁹⁸ Vano, Pwiya, yeemenle-ene waltaari nno, yimmaathale vanrepani va, siri ipwittipwitthi sa Muluku, amwaapwittipwitthi axikhaani, ntoko saarowaahu ohimya, wa Yoowo. Awo aroovariwa ni mwatto mmosa oniitthaniwa kankuru, ekhaya eniitthaniwa elapaha, iretta sikina saavanre, ni saaxinttale, sinaamalamaliha. Pwiya, miyo—miyo kinimwaarowela ni pharancikula mwaamukhaani oniitthaniwa ovekelo wa waamini. Kahi vanci-ene, masi koosuwela etthu oniirakaawe. Ni koosuwela wira Muluku nlelo mmosaru. Miyo kinimwaarowela, voosiis'ula, wira kaahokoloxerye, Pwiya, mminyepuni sikithi ni sa ekumi yooreera, vakhiviru va maasi oomaaleleya a murettele, ni ottaiwene wa wuukhuleya waya, wira ewaaminini Nyuwo.

⁹⁹ Miyo kinimwaarowela, ni ikaruma Nyuwo nvahenryanyu wira kirowe. "Mavekelo o wamini anoowoopola aretta, nto Muluku onimwavenyiha. Vakhala wira arimwiira etampi, anooleveliliwa."

¹⁰⁰ Nto, Tithi, hiyo ninrowa vano okumana ni nwanani, okumana ni mwatto, wira nakumane ni xe—xetwani mwa khula enamuna owo oryaawe, oniitthaniwa kankuru, elapaha, eretta ya Hodgkin, eretta ya murima, khula eretta ekina. Hiyo ninrowa okumana ni yoowo, wira nimuruuhe mwaapittipwitthi ola otthikela Mpaani mwa Muluku. Mwa Nsina na Yesu Kristu hiyo ninrowa, omurumeela pharancikula ola Nyuwo munivahale anyu. Mukhale ni hiyo, Tithi, okathi oniwaattamelahuni Nyuwo ni nttittimiho vano, mwa Nsina na Yesu.

¹⁰¹ Kintthuna wira mukhale ni muru wowuurama. Nto hiyo ninoorwa wira naattikitthele makhura, ni owiixaatherya matata aretta, ni mavekelo o waamini anoowoopola aretta. Khula muKristu mu, muhelele waamini wanyu eliinya ela ya mavekelo.

[Eliinya ya mavekelo enikuxa minuutu miraru ni nuusu, moolumo manci-ene a Munna Branham khaniiweya—Mol.]

Mwa Nsina na Yesu Kristu!

Mwa Nsina na Yesu Kristu!

Nsina na Yesu!

Nsina na Yesu Kristu!

Nsina na Yesu!

Tithi, miyo kinnimpwapwela xetwani! . . . ? . . .

Mwa Nsina na Yesu Kristu!

Mwa Nsina na Yesu Kristu! . . . ? . . .

Mwa Nsina na Yesu Kristu!

Murwe mwaamini . . . ? . . . nto enimwiiriwa! . . . ? . . .

Pwiya, Nyuwo . . . ? . . .

Muluku . . . ? . . .

¹⁰² Pwiya, Nyuwo mwa . . . Nyuwo moolepa okathi. Nyuwo mwa Mmusi, Kristu! . . . ? . . . Mwa Nsina na Yesu Kristu!

¹⁰³ “Mavekelo o waamini anoomooopola muretta.” Kintthuna wira Nyuwo mmwiirele ola. Mmukhalihe-tho mukumi muthiyan’ola! . . . ? . . .

Nsina na Yesu Kristu, mmuhokoloxe!

Mwa Nsina na Yesu Kristu, mmuhokoloxe! . . . ? . . .

Mwa Nsina na Yesu Kristu, kimuhokoloxaka murokor’aka.

Mwa Nsina na Yesu Kristu, kimuhokoloxaka munn’aka! . . . ? . . .

Mwa Nsina na Yesu Kristu! . . . ? . . .

Mwa Nsina na Yesu Kristu! . . . ? . . .

Mwa Nsina na Yesu Kristu! . . . ? . . .

Nyuwo khamunatoko wira. Apwiya yooreeriheni!

Miyo kinoomurowela, voosiis’ula! . . . ? . . .

¹⁰⁴ Mwa Nsina na Yesu Kristu, miyo kinnoohokoloxani, ni mavekelo o waamini, wookumihani mw’epothhani! . . . ? . . . Hiyo ninaacererya waamini wahu wa ala . . . ? . . .

Waamini paahi;

Ni muru ahu wowuurama vano. Vano:

Waamini paahi, waamini paahi,

. . . sinniweryaneya, waamini paahi.

O Pwiya, kinnaamini, O Pwiya, kinnaamini,

Sothene sinniweryaneya . . .

Nrowe nivenxe matata vano.


. . . Pwiya, kinnaamini;

O Pwiya, kinnaamini; Pwiya, kinnaamini,

Sothene sinniweryaneya, Pwiya, kinnaamini.

¹⁰⁵ Tith'ihu a Wirimu, ale awenrye ovenya, avenxale matata aya, wira aakupali ela. Munn'ola aammaathale vanrepani, oovenya, wira ooniherye wira ookupali ovonihiwa wawe. Hiyo ninnaamini, Pwiya, awo anttikela ni murettele mminyepuni sikithi ni sa muuttutthi, mmaasini oomaaleleya, wira akhale-tho saana, mwa Nsina na Yesu. Hiyo ninnooxukhuruni mwaha wa yeela. Amen.

¹⁰⁶ Vaareera, Munna Neville, kinookilaathi va kiwiiweni mulaleyaka vano.

¹⁰⁷ [Wopaceryani mmuthakani Munna Branham onnihimya “yooheliwa-mo ekhaani” Munna Thomas R. Nickel, Namalepa a Nsu na Alopwana a Ehapari yooreera Yoomalela, yeheliwe vanikukhuni noopacerya na artiiku, nenlo nnihimya ela: “VANAASIWA ELATARATO OHOOLO WA EKAAPA: Mahiku a Bibilia, yaahikhala atthu a Muluku yaari maprofeta ni anamoona s'ohoolo. Masi mwa Soolempwa sothene Soorerihiwa, khaavo hata mmosa a awo aarina muteko muulupale ovikana ole wa William Branham, profeta ni namoona s'oholo a Muluku, yoowo elatarato awe emphwanyaneya ekaapa y'ohoolo ya elepeliwo ela Nsu ya Alopwana a Ehapari yooreera Yoomalela. Branham onnivareliwa muteko ni Muluku, mwa Nsina na Yesu, wira aahihimuxe alipa-ookhwa!”—Mol.] 

61-0305 Wiithela Wa Ekuritiina Ya Okathi
Branham Tabernacle
Jeffersonville, Indiana wAmerika

EMAKHUWA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®. Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org